



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 15. Caput I. De reformatione generali, & de creatione Episcoporum, ac
Cardinalium.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul. XVI. tea opponerebant, potissimi sua iudicia
A.C. 1563. submittebant.

Postquam igitur specialia hæc decreta de Matrimonii Sacramento fuere promulgata, cetera Reformationis generalis decreta proponebantur, in quibus extra morem plures fiebant mutationes ex sententia Patrum: porro decreta hæc erant numero viginti, & unum, quæ in hac Sessione promulgabantur.

§. XV.

C A P U T I.

De reformatione Generali, & de creatione Episcoporum, ac Cardinalium.

„Si in quibuslibet Ecclesiæ gradibus
„providenter, scienterque curan-
„dum est, ut in Domini domo nihil sit
„inordinatum, nihilque præposterum,
„multo magis elaborandum est, ut in
„electione eius, qui supra omnes gra-
„dus constituitur, non erretur, nam
„totius familiæ Domini status, & ordo
„mutabit, si quod requiritur in corpore,
„non inveniatur in capite: unde et si
„alias sancta Synodus de promovendis
„ad Cathedrales, & Superiores Eccle-
„sias nonnulla utiliter decrevit, hoc
„tamen munus huiusmodi esse censet,
„ut, si pro rei magnitudine expendatur,
„nunquam satis cautum de eo videri
possit:

Sæc. XVI.
A.C. 1563.

„possit: itaque statuit, ut cum primum
 „Ecclesia vacaverit, supplicationes, ac
 „preces publice, privatimque habeantur,
 „atque a capitulo per civitatem,
 „& Diæcesim indicantur, quibus clerus,
 „populusque bonum a Deo pastorem valeat
 „impetrare: omnes vero, & singulos,
 „qui ad promotionem præficientium quodcunque
 „jûs quacunque ratione a Sede Apostolica
 „habent, aut alioquin operam suam præstant,
 „nihil in iis pro præsentis temporum ratione
 „innovando, hortatur, & monet, ut in
 „primis meminerint, nihil se ad Dei gloriam,
 „& populorum salutem utilius posse facere,
 „quam si bonos Pastores, & Ecclesiæ gubernandæ
 „idoneos promoveri studeant, eosque alienis
 „peccatis communicantes mortaliter peccare,
 „nisi quos digniores, & Ecclesiæ magis
 „utiles ipsi judicaverint, non quidem precibus,
 „vel humano affectu, aut ambientium
 „suggestionibus, sed eorum exigentibus
 „meritis, præfici diligenter curaverint, &
 „quos ex legitimo matrimonio natos, & vita,
 „ætate, doctrina, atque aliis omnibus
 „qualitatibus præditos sciant, quæ juxta
 „Sacros Canones Tridentinæ hujus Synodi
 „decreta requiruntur: quoniam vero in
 „sumendo de prædictis omnibus qualitatibus
 „gravi, idoneoque

B 4

que

Sæcul. XVI.
A. C. 1563

„que bonorum, & doctorum virorum
 „testimonio, non uniformis ratio ubi
 „que ex nationum, populorum, ac mo-
 „rum varietate potest adhiberi; man-
 „dat sancta Synodus, ut in provincial
 „Synodo per Metropolitanum habenda
 „præscribatur quibusque locis, & pro-
 „vinciis propria examinis, aut instru-
 „ctionis faciendæ forma, Sanctissimi
 „Romani Pontificis arbitrio approban-
 „da, quæ magis eisdem locis utilis
 „atque opportuna esse videbitur, ita
 „tamen, ut cum deinde hoc examen
 „seu inquisitio de persona promovendi
 „perfecta fuerit, ea in instrumentum
 „publicum redacta cum toto testimo-
 „nio, ac professione fidei ab eo facta,
 „quamprimum ad Sanctissimum Roma-
 „num Pontificem omnino transmitta-
 „tur, ut ipse summus Pontifex, plena
 „totius negotii, ac personarum notitia
 „habita, pro gregis Domini commo-
 „do de illis, si idonei per examen, seu
 „per inquisitionem factam reperti fue-
 „rint, Ecclesiis possit utilius providere:
 „omnes vero inquisitiones, informatio-
 „nes, testimonia, ac probationes quæ-
 „cunque de promovendi qualitatibus,
 „& Ecclesiæ statu, a quibuscunque,
 „etiam in Romana curia habitæ, per
 „Cardinalem, qui relationem facturus
 „erit in Consistorio, & alios tres Car-
 „dina-

Sæc. XVI.
A.C. 1563.

„dinales, diligenter examinentur, ac
 „relatio ipsa Cardinalis relatoris, &
 „trium Cardinalium subscriptione robo-
 „retur, in qua ipsi singuli quatuor Car-
 „dinales affirmant, se adhibita accu-
 „rata diligentia invenisse promovendos
 „qualitatibus a jure, & ab hac sancta
 „synodo requisitis præditos, ac certo
 „existimare, sub periculo salutis æ-
 „ternæ, idoneos esse, qui Ecclesiis præ-
 „ficiantur, ita, ut relatione in uno Con-
 „sistorio facta, quo maturius interea de
 „ipsa inquisitione cognosci possit, in a-
 „liud consistorium judicium differatur,
 „nisi aliud Beatissimo Pontifici videbi-
 „tur expedire; ea vero omnia, & fin-
 „gula, quæ de Episcoporum præficien-
 „dorum vita, ætate, doctrina, & ce-
 „teris qualitatibus alias in eadem Sy-
 „nodo constituta sunt, decernit eadem
 „etiam in creatione sanctæ Romanæ Ec-
 „clesiæ Cardinalium, etiamsi Diaconi
 „sint, exigenda, quos Sanctissimus Ro-
 „manus Pontifex ex omnibus Christia-
 „nitatis nationibus, quantum commo-
 „de fieri poterit, prout idoneos reper-
 „erit, assumet. Postremo eadem sancta
 „Synodus, tot gravissimis Ecclesiæ in-
 „commotis commota, non potest non
 „commemorare, nihil magis Ecclesiæ
 „Dei esse necessarium, quam ut Bea-
 „tissimus Romanus Pontifex, quam so-
 „licitu-

Sæcul. XVI.

A. C. 1563.

„licitudinem universæ Ecclesiæ ex mu-
 „neris sui officio debet, eam hic potif-
 „fimum impendat, ut lectissimos tan-
 „tum sibi Cardinales adsciscat, & bo-
 „nos maxime, atque idoneos pastores
 „singulis Ecclesiis præficiat; idque eo
 „magis, quod ovium Christi Sanguis
 „nem, quæ ex malo negligentium, &
 „sui officii immemororum pastorum regi-
 „mine peribunt, Dominus noster Jesus
 „Christus de manibus ejus sit requisi-
 „turus.„

§. XVI.

CAPUT II.

*De Conciliis Provincialibus, & Syn-
 nodis Diæcesanis.*

„Provincialia Concilia sicubi omiffa
 „sunt, pro moderandis moribus, cor-
 „rigendis excessibus, controversiis com-
 „ponendis, aliisque ex sacris Canonibus
 „permiffis renoventur, quare Me-
 „tropolitani per seipsos, seu illis legitime
 „impeditis, Coepiscopus antiquior
 „intra annum ad minus a fine præsen-
 „tis Concilii, & deinde quolibet saltem
 „triennio, post Octavam Paschæ Resur-
 „rectionis Domini nostri Jesu Christi
 „seu alio commodiori tempore pro more
 „provinciæ, non prætermittat Syno-
 „dum in provincia sua cogere, quo Epi-
 „scopi omnes, & alii, qui de jure, vel
 „con-